

SAMOA

Faatulagaina o Aiaiga

- | VAEGA I
FAATOMUAGA | VAEGA III
FAIGA FAA PAAGA
FAATAPULAAINA |
|--|---|
| 1. Igoa puupuu ma le amataga | 15. Faiga faa Paaga Faatapulaaina |
| 2. Faamatalaina o uiga o Upu | 16. Faavaeina o Faiga faa Paaga Faatapulaaina |
| 3. Faasaoina o Tulafono o lo o i ai i le taimi nei | 17. Igoa o le Kamupani |
| 4. Faaagaina o lenei Tulafono | 18. Ofisa faamauina |
| 5. Pisinisi faatagaina | 19. Faaleleia o Tulafono o faiga faa Paaga i le Tulaga o se Faiga faa Paaga faatapulaaina |
| 6. Resitara o Faiga faa Paaga Faava-o-malo | 20. Talosaga mo le faamauina |
| 7. Tusi Resitala | 21. Faamauina |
| | 22. Faamauina o maliega o faiga faa Paaga |
| | 23. Tusi faamaonia ina ia sainia e Paaga aoao |
| | 24. O Paaga e noatia e ave ma Paaga Aoa mo ni Faamatalaga tau faasese i totonu o tusi faamaonia |
| | 25. Aia i se Faamatalaga tau Tupe |
| | 26. Taulumaga |
| | 27. Toe faafoiina o le saofaga |
| | 29. Gaoioiga e faia e ni |
| 8. Faiga faa Paaga Faava-o-malo | |
| 9. Talosaga mo le faamauina | |
| 10. Faamauina | |
| 11. Faamauina o meliega o Faiga faa Paaga | |
| 12. Ofisa faamauina | |
| 13. Taulumaga | |
| 14. Igoa o le Kamupani | |
| 28. Faamaapeina | |

Paaga o Faiga faa Paaga Faatapulaaina		VAEGA V FAAMANUIAGA MA TUUSAUNOAGA FAASINO I FAIGA FAA PAAGA FAAVA-O- MALO MA FAIGA FAA PAAGA FAATAPULAAINA	
	VAEGA IV FAAMAUINA O FAIGA FAA PAAGA FAAVA-O-MALO MA FAIGA FAA PAAGA FAATAPULAAINA	36.	Tuusaunoaga mai Lafoga, Tiute ma Tupe maua
30.	E na o Faiga faa Paaga Faava-o-malo ma Faiga faa Paaga Faatapulaaina ua faamauina e Aia i Faamanuiaga	37.	Pisinisi tau Faletupe
31.	Faamauina	38.	Tuusaunoaga mai Tupe ma le Pulea o Fesuaiga o Tupe
32.	Mea e Faasaina e le Minisita	39.	Tulaga Faaalilolilo
33.	Totogi Fuapauina o toe faafouga faale-tausaga		VAEGA VI MEA ESEESE
34.	Faiga faa Paaga Faava- o-malo ma Faiga faa Paaga Faatapulaaina mo vaitaimi uumi	40.	Pule e Tuusaunoa ai
35.	E mafai ona soloia se faamauina e aunoa ma se Talosaga	41.	Gagana Peretania o le tusi moni ma le atoatoa
		42.	Faasalaga Aoa mo Solitulafono
		43.	Tulafono Faatonutonu
		44.	Taulumaga pe a fai e leai se aiaiga ua faataa- tia mai
		45.	Faamagaloga

1998, Nu. 27

**O SE TULAFONO mo Faiga Faa Paaga Faava-o-Malo ma
Faiga Faa Paaga Faatapulaaina. (16 Iulai 1998)**

UA FAIA e le Fono Aoa o Samoa i totonu o le
Palemene ua potopoto e faapea:-

**VAEGA I
FAATOMUAGA**

1. Igoa puupuu ma le amataga-(1) E mafai ona taua

lenei Tulafono o le Tulafono o Faiga Faa Paaga Faava-o-Malo ma Faiga Faa Paaga Faatapulaaina 1998.

(2) O lenei Tulafono o le a amata faamamaluina i le aso ina ua tuanai le aso na tuuina i ai le maliega a le Ao o le Malo (e pei ona faasinomia i totonu o lenei Tulafono o le aso e amata faamamaluina ai).

(3) So o se faasinomaga i totonu o lenei Tulafono i se tulafono o lo o faamamaluina e, ae vagana e ese se faaupuga e manaomia e le mataupu, o se faasinomaga i lenei tulafono e pei ona teuteuina, faalautele, toe faamamaluina, po o ua faaoga e, po o i lalo o so o se isi tulafono, e aofia ai lenei Tulafono.

2. Faamatalaina o uiga o upu-(1) I totonu o lenei Tulafono, ae vagana ai e ese se uiga e manaomia e le mataupu -

“Saofaga” o lona uiga o tinoitupe, meatotino po o isi meatotino e fai saofaga ai se paaga i le tupe faavae a se faiga faa paaga faava-o-malo po o se faiga faa paaga faatapulaaina, peitai e le aofia ai so o se tupe e nonoina atu e se paaga i le faiga faa paaga po o se kamupani:

“Faamasinoga” o lona uiga o le Faamasinoga Sili o Samoa po o se Faamasino o lea faamasinoga:

“Tala” po o le “\$” o lona uiga o se tala i le tupe a le Iunaite Setete o Amerika:

“Kamupani” o lona uiga o le aofaiga o ni vaega o ni tagata ua ulufale atu i faiga faa paaga ma le isi i le isi e tusa ai ma aiaiga o lenei Tulafono:

“Igoa o le Kamupani” o lona uiga o le igoa o lo o faamauina ai se Kamupani e tusa ai ma le Vaega IV ma o le igoa o lo o tauaveina ai lana pisinisi:

“Kamupani mai Fafu” o lona uiga o se Kamupani mai fafua faamauina i lalo o le Tulafono o Kamupani Faava-o-Malo 1987:

“Tupe mai fafua” e aofia ai tupe pepa, tupe siliva, tupe pepa e lafoina i meli, tupe faa-poloaiga, pepa faa-poloaiga, siaki, tusi mo le totogiina o aitalafu ma siaki mo tagata femalagaai po o ua faamatalaina e ese mai ai nai lo tupe a Samoa, ma e aofia ai foi aia

ma pepa faale-tulafono o igoa:

“Pepa faale tulafono” e aofia ai so o se feagaiga, konekarate, maliega po o se fuafuaga e molimauiina i luga o se tusitusiga:

“Kamupani Faava-o-malo” o lona uiga o se kamupani ua tuufaatasia faale-tulafono po o ua faamauina i lalo o le Tulafono o Kamupani Faava-o-Malo 1987:

“Faiga faa Paaga Faava-o-Malo ma Faiga faa Paaga Faatapulaaina” o lona uiga o se faiga faa paaga po o se faiga faa paaga faatapulaaina ua faamauina e tusa ai ma leni Tulafono ma e tusa ai ma -

- (a) Paaga uma i taimi uma, e le o ni tagata nofomau; ma
- (b) O le faiga faa paaga po o se faiga faa paaga faatapulaaina e le o tauaveina se pisinisi po o auai i se fefaatauaiga i totonu o Samoa; ma
- (c) O se tasi o paaga o le faiga faa paaga faava-o-malo po o se tasi o paaga aoao o le faiga faa paaga e le gata -
 - o se kamupani faava-o-malo
 - o se kamupani mai fafo
 - o se kamupani tausi mavaega

“Minisita” o lona uiga o le Minisita o Tupe:

“E le o se tagata nofomau” o lona uiga o se tagata e le masani ona nofo i totonu ma e le nofo i totonu o Samoa o ia lea e le o auai i se fefaatauaiga po o se pisinisi i totonu o Samoa; peitai, o lo o aofia i se kamupani tuufaatasia faale-tulafono po o ua faamauina e tusa ai ma le Tulafono o Kamupani Faava-o-malo ma se Kamupani tausi mavaega ua faamauina i lalo o le Tulafono o Kamupani Tausi Mavaega 1987:

“Faiga faa Paaga” o lona uiga o se faiga faa paaga, pisinisi soofaatasi, vaega soofaatasi po o faalapotopotoga ua ulufale i ai mo le faamoemoe e tauaveina se pisinisi po o se gaioiga se tasi faatasi ai ma se manatu e maua mai ai se tupe mama ma faamaonia i luga o se pepa faale-tulafono peitai, e le aofia ai -

- (a) Se pisinisi soofaatasi o ni tausi mavaega faapea e

faasino i ai na o sea pisinisi i se faaputugatupe masani mo le faafefiloiina o faaputuga tupe a ia tausī mavaega;

(b) O se Kamupani;

(c) O se faalapopotoga se toatasi;

“Maliega faa Paaga” o lona uiga o so o se maliega a ni paaga o le a aiaia ai le faavaeina ma le faatonutonuina o mataupu a se kamupani; o le tauaveina o ana pisinisi ma aia ma noataga a ia paaga ia i latou lava:

“Aia a faiga faa Paaga” o lona uiga o aia a se paaga i totonu o se kamupani e tusa ai i tupe mama, tupe faavae ma faiga palota po o isi aia, faamanuiaga po o noataga e agavaa i ai o ia po o e noatia ai, e tusa ai ma maliega faa paaga po o aiaiga o lenei Tulafono:

“Faatonuina” o lona uiga ua faatonuina e ni tulafono faatonutonu po o i le leai o ni tulafono faatonutonu, e pei ona o le a fuafuaina e le Resitara:

“Resitara” o lona uiga o le Resitara o Faiga faa Paaga Faava-o-Malo ma e aofia ai se Sui Resitara po o se Resitara Fesoasoani:

“Kamupani Tausi Mavaega e aveā ma Sui” o lona uiga o le kamupani tausī mavaega o lo o aveā ma sui e tuuina atu i le ofisa faamauina gaoioiga mo le faiga faa paaga faava-o-malo po o se faiga faa paaga faatapulaaina:

“Mea e faamau ai Aitalafu” e aofia ai sea, oloa, pepa faamaonia tau sea, sea umia i se kamupani, sea e faaliliuina i ni oloa, Tupe Pepa a le Ofisa o Tupe ma tupe pepa, ma ni Iunite po o ni vaega o ni Iunite o se vaega tausī mavaega, ma e aofia ai foi ma ni tupe maua ua teuina faa-vaitaimi e tusa ai ma le teuina o mea e faamau ai aitalafu ma pepa aloaia o aia i mea e faamau ai aitalafu peitai e le aofia ai pepa faamaonia tau fesuaiga o tupe po o ni pepa faamaonia mo le totogiina o ni aitalafu:

“Kamupani Tausi Mavaega” o lona uiga o se Kamupani ua tuufaatasia faale-tulafono mo le faamoemoe e tauaveina po o ua ofoina mai e na te tauaveina, le

pisinisi atoa po o se vaega o lana pisinisi, e tusa ai ma tiute uma po o so o se tiute a se kamupani tausi mavaega ua faamauina e tusa ai ma le Tulafono o Kamupani Tausi Mavaega 1987:

(2) O se faasinomaga i totonu o lenei Tulafono i so o se tagata i le kenera tane o le a, ae vagana ai e ese se isi uiga ua faamatalaina, e aofia ai se faasinomaga i se fai paaga po o se kamupani.

3. Faasaoina o Tulafono o lo o i ai i le taimi nei - O tulafono laiti o tulafono masani faapea foi ma tulaga tutusa e faasino i faiga faa paaga e pei ona toe faaleleia e le Tulafono o Faiga Faa Paaga 1975 o le a faaaogaina pea i faiga faa paaga faava-o-malo ma faiga faa paaga faatapulaaina ae sei vagana ai e faapea e le ogatasi ma so o se isi o aiaiga e pei ona faamatalaina i lenei Tulafono.

4. Faaaogaina o lenei Tulafono - Ae vagana ai e ese se faaupuga e manaomia e le mataupu, o lenei Tulafono o le a faaaogaina i na o faiga faa paaga faava-o-malo ma faiga faa paaga faatapulaaina ma so o se pepa faale-tulafono faasino i se faiga faa paaga faatapulaaina ma so o se pepa faale-tulafono faasino i se faiga faa paaga faava-o-malo po o se faiga faa paaga faatapulaaina pe ua faatinoina po o ua ulufale atu i ai i luma mai, i le aso po o ina ua tuanai le aso na amata faamamaluina ai lenei Tulafono.

5. Pisinisi faatagaina-(1) O se faiga faa paaga faava-o-malo po o se faiga faa paaga faatapulaaina e ono mafai ona faatuina mo so o se faamoemoe fale-tulafono e tauaveina ma tagofia pe i totonu o Samoa po o mai totonu o Samoa po o i so o se nofoaga i luga o ni aiaiga, i aia ma malosiaga, ma e tusa ai ma ni tuutuuga, tapulaa, faasaina ma ni noataga e pei ona taua i totonu o le Tulafono ma e noatia i ai, e pei ona aiaia i totonu o le maliega faa paaga.

(2) E leai se faiga faa paaga faava-o-malo po o se faiga faa paaga faatapulaaina o le a -

(a) Tauaveina se pisinisi po o le auai atu i se

feafaatauaiga ma, po o le mauaina mai o so o se meatotino mai;

(i) So o se tagata ola e masani ona nofomau pe o lo o nofo i totonu o Samoa; po o

(ii) So o se kamupani i totonu o le atunuu e le o se kamupani tausī mavaega;

(b) Umia se aia i fanua po o esetete moni o lo o i totonu o Samoa e ese mai ai i se lisi e pei ona faasinomia i ai le fuaiupu (e) o le faafuaiupu (3);

(c) Faia o so o se faamatuū atu i, po o le faaeeina atu po o le avea o so o se meatotino (e aofia ai mea e faamau ai aitalafu) i -

(i) so o se tagata ola e masani ona nofomau pe o lo o nofo i totonu o Samoa; po o

(ii) so o se kamupani i totonu o le atunuu e le o se kamupani tausī mavaega;

(d) Faia o so o se faamatuū atu i po o le faaeeina atu po o le avea o so o se meatotino i fafo atu o Samoa i tupe a Samoa;

(e) Tauaveina se pisinisi tau faletupe po o se tausī mavaega, ae vagana ai ua laiseneina i lalo o se tulafono e faataga ai lona tauaveina o lena pisinisi;

(f) Tauaveina o se pisinisi e avea ai o se kamupani inisiua po o se kamupani toe inisiuaina po o se pule tau inisiua, vagana ai ua laiseneina i lalo o se tulafono e faatagaina ai lona tauaveina o lena pisinisi.

(3) Mo faamoemoega o le parakalafa (a) o le faafuaiupu (2) o lenei fuaiupu, o se faiga faa paaga faava-o-malo po o se faiga faa paaga faatapulaaina o le a le avea e faapea o lo o tauaveina se pisinisi i totonu o Samoa i na o mafuaaga e faapea -

(a) Ua ia faia po o tausī ni tupe teu a se kamupani o lo o tauaveina se pisinisi tau faletupe i totonu po o mai i totonu o Samoa;

(b) Ua ia faia po o tausī ni fesootaiga tau poto faapitoa ma ni loia mo tagata lautele, loia tau

faamasinoga, tausi tusi, Kamupani tausi mavaega, faufautua mo tupe teu faafaigaluega po o ni tagata tali tutusa o lo o tauaveina pisinisi i totonu po o mai i totonu o Samoa;

- (c) Ua ia saunia po o tausia ni tusi ma ni faamaumauga i totonu o Samoa;
- (d) Ua ia faia ni fonotaga o ana paaga po o ni paaga faatapulaaina i totonu o, po o mai i totonu o Samoa;
- (e) Ua umia e ia se lisi o meatotino i totonu o Samoa mo le faaaogaina e avea o se ofisa e faapea na faavaeina e ia e saunia ai tusi ma faamaumauga a le faiga faa paaga faava-o-malo po o se faiga faa paaga faatapulaaina;
- (f) Umia e ia ni sea, pepa faamaonia o nonoga tupe, po o isi mea e faamau ai aitalafu i se isi kamupani tuufaatasia faale-tulafono po o ua faamauina i lalo o le Tulafono o Kamupani Faava-o-Malo 1987.

(4) A fai o se faiga faa paaga faava-o-malo po o se faiga faa paaga faatapulaaina ua faalavelave i le faafuaiupu (2) o lenei fuaiupu, ua ia faia se solitulafono i lalo o lenei Tulafono ma ua noatia i luga o le faamaoniga o se solitulafono i se faasalaga e le sili atu i le \$1000 mo aso taitasi uma e faapea e faaauau ai pea lena solitulafono ma o paaga taitasi uma o se faiga faa paaga faava-o-malo po o se faiga faa paaga faatapulaaina ua ia faatagaina ma le silafia le faalavelaveina o lea fuaiupu ua agasala o ia i le solitulafono tutusa ma ua noatia i luga o se faamaoniga o le solitulafono i se faasalaga tutusa po o i le nofo falepuipui mo se vaitaimi e le sili atu i le tasi le tausaga.

(5) O le a avea ma solitulafono i lalo o lenei Tulafono mo se faiga faa paaga faava-o-malo po o se faiga faa paaga faatapulaaina e aveina po o le auina atu, po o le faatonuina po o le faatagaina ina ia aveina po o le auina atu mai Samoa, o ni tupe po o ni mea e faamau ai ni aitalafu po o lo o umia po o pulea e se tagata ola masani e nofomau po o lo o nofo i totonu o Samoa po o e se kamupani i totonu o le atunuu e le o se

kamupani tausi mavaega.

6. Resitara o Faiga faa Paaga Faava-o-malo-(1) O le Resitara o Kamupani Faava-o-Malo ma Kamupani mai Fafu na tofia e tusa ai ma le Tulafono o Kamupani Faava-o-Malo 1987 o le a avea ma Resitara o le Faiga faa Paaga Faava-o-Malo.

(2) O se Sui Resitara o Kamupani Faava-o-Malo ma Kamupani mai Fafu po o nisi tagata ofisa ua tofia e tusa ai ma le Tulafono o Kamupani Faava-o-Malo 1987 o le a avea ma Sui Resitara o Faiga faa Paaga Faava-o-Malo ma faiga faa Paaga Faatapulaaina po o isi tagata ofisa, po o lea lava le tulaga e i ai, mo faamoemoega o lenei Tulafono.

(3) So o se mea ua faatagaina pe manaomia ina ia faia e le Resitara i lalo o lenei Tulafono e mafai ona faatagaina po o le faia e se Sui Resitara po o se Resitara Fesoasoani.

(4) O faamasinoga uma, faamasino ma ni tagata o lo o galulue i tulaga tau faamasinoga e tatau ona latou maitauina le faamau faailoga faapea foi ma le saina a le Resitara ma so o se sui Resitara po o se Resitara Fesoasoani.

(5) O le a totogiina i le Resitara ni totogi fuapauina e pei ona faatonuina.

7. Tusi Resitala-(1) O le a tatau i le Resitara, i le noatia ma le fai fuafua i lenei Tulafono ma so o se tulafono faatonutonu ua faia i lalo o lenei Tulafono, ona tausia ni tusi resitala ma ni faamaumauga e pei ona ia manatu ua talafeagai ai ma i totonu o ni pepa e pei ona ua ia manatu ua tatau ai.

(2) E le tatau i le Resitara ona tatala atu mo ni asiasiga ni Tusi Resitala vagana ai e faapea, o le sui o le kamupani tausi mavaega po o le faiga faa paaga faava-o-malo po o se faiga faa paaga faatapulaaina e mafai i luga o se tusi ona faatagaina se tagata e asiasia le faauluina o lenei faiga faa paaga faava-o-malo po o se faiga faa paaga faatapulaaina i totonu o le tusi resitala.

VAEGA II FAIGA FAA PAAGA FAAVA-O-MALO

8. Faiga faa Paaga Faava-o-malo - Mo faamoemoega o lenei Tulafono, o se faiga faa paaga faava-o-malo o lona uiga o se faiga faa paaga ua laiseneina e tusa ai ma le Vaega IV o lenei Tulafono.

9. Talosaga mo le faamauina - O talosaga mo le faamauina o se faiga faa paaga o se faiga faa paaga faava-o-malo i lalo o lenei Tulafono o le a faia i le Resitara e auala mai i se kamupani tausi mavaega i luga o le pepa faatonuina ma ia tuuina mai faatasi ma se totoi fuapauina e pei ona o le a faatonuina.

10. Faamauina - E leai se faiga faa paaga o le a faamauina e avea o se faiga faa paaga faava-o-malo vagana ai ua mauaina e le Resitara se tusi faamaonia ua maea ona saunia e se kamupani tausi mavaega ua faamaonia ai e faapea -

- (a) O se tasi o paaga pe o se:
 - (i) Kamupani faava-o-malo; po o
 - (ii) Kamupani mai fafo; po o
 - (iii) Kamupani tausi mavaega; ma
- (b) O paaga taitasi e le o se tagata nofomau.

11. Faamauina o maliega o Faiga faa Paaga - O le Kamupani po o so o se paaga i le kamupani e mafai ona tuuina atu i le Resitara se ata o le maliega faa paaga po o so o se teuteuga i lea maliega o le a faamaonia i le faiga e pei ona faatonuina ma o le a tatau i le Resitara ona faamauina lena ata e avea ai o se ata moni ma failaina loa lena maliega.

12. Ofisa faamauina-(1) O faiga faa paaga faava-o-malo taitasi uma o le a i ai se ofisa faamauina i totonu o Samoa e faapea o le a avea o le ofisa autu o se kamupani tausi mavaega.

(2) O le tuatusi mo le tuuina atu o so o se pepa aloaia i luga o se faiga faa paaga faava-o-malo o le a avea o le ofisa faamauina o lena faiga faa paaga.

(3) O kamupani tausi mavaega e tatau ona faaalua i o latou ofisa autu i se tulaga e faigofie ai ona iloa ma i ni mataitusi e faigofie ona faitauina ia igoa o ia faiga faa paaga faava-o-malo e pei ona avea ai o latou ofisa faamauina ma o latou tuatusi tau

pisinisi.

13. Taulumaga - A fai o so o se taulumaga ua faia e po o faasaga i se faiga paaga faava-o-malo o le a lava na o le igoa o le kamupani faava-o-malo, kamupani mai fafo po o se kamupani tausi mavaega o ia lea o se tasi o paaga ma o le a le manaomia ai le auai mai o isi paaga i lena taulumaga.

14. Igoa o le Kamupani-(1) O faiga faa paaga faava-o-malo taitasi uma o le a i ai se igoa o le kamupani e ono aofia ai le igoa o so o se paaga po o so o se faapogai o lea igoa.

Ae vagana ai e faapea e leai se faiga faa paaga faava-o-malo e tatau ona i ai se igoa e faapea, e tutusa po o e tali tutusa ma le igoa o so o se isi vaega, po o e faamatala sese ai le lagolagoina o sea kamupani po o se sootaga ma nisi tagata faapitoa po o se puleaga, po o ona o lo o faamatalaina ai e faapea o le kamupani ua laiseneina pe i totonu o Samoa po o i so o se isi nofoaga e tauave ai so o ituaiga faapitoa po o se vasega o pisinisi ae o le tulaga moni e lei laiseneina faapea, pe ona o so o se isi mafuaaga ua lava ma lelei, ua fuafuaina e faia ai se tulaga tau faasese.

(2) E mafai e le Resitara ona teena e taliaina le faamauina o se faiga faa paaga faava-o-malo po o le faamauina o se suiga o igoa o se faiga faa paaga faava-o-malo ma teena le tuuina atu o se tusi faamaonia o le faamauina i luga o so o se tulaga ua ia manatu ai o le igoa o le kamupani e pei ona fuafuaina ua faia ai se faalavelave i le faafuaiupu (1) o lenei fuaiupu.

VAEGA III FAIGA FAA PAAGA FAATAPULAAINA

15. Faiga faa Paaga Faatapulaaina - Mo faamoemoega o lenei Tulafono, o se faiga faa paaga faatapulaaina o lona uiga o se faiga faa paaga faatapulaaina ua faamauina e tusa ai ma le Vaega IV o lenei Tulafono.

16. Faavaeina o le Faiga faa Paaga Faatapulaaina-(1)

O se faiga faa paaga faatapulaaina o le a aofia ai le toatasi po o le sili atu foi o ni tagata e taua o ni paaga aoao o i latou ia o le a, i le tulaga e faapea ua le lava ai meatotino a le kamupani, o le a noatia mo ana aitalafu uma ma noataga, ma o le toatasi po o le sili atu o ni tagata ua taua o paaga faatapulaaina o i latou ia o le a i le taimi e ulufale atu ai i sea faiga faa paaga, ona tuuina atu se vaega tupe po o ni vaega tupe e avea ma tupe faavae po o aoga ua fuafuaina o meatotino i se aofai ua faamatalaina ma o i latou ia o le a le noatia i ni aitalafu po o ni noataga a le kamupani vagana ai e pei ona aiaia i totonu o le maliega o faiga faa paaga ma i le tulaga e pei ona faamaotiina i totonu o fuaiupu 19 ma le 26.

Ae vagana ai e faapea o se paaga aoao, e aunoa ma le faaleagaina o lona tulaga faapea, e mafai foi ona i ai se aia i totonu o lea kamupani e avea ai o se paaga faatapulaaina.

(2) O se paaga aoao e tataua ona galue i taimi uma i luga o le agaga lelei e tusa ai ma manaoga o le kamupani.

(3) O se faalapotopotoga ua tuufaatasia faale-tulafono ma po o e aunoa ma ni noataga faatapulaaina e mafai ona avea o se paaga aoao po o se kamupani faatapulaaina.

(4) So o se meatotino a se kamupani ua faaliliuina i ni, po o faaeeina atu i, po o ua umia e, po o e avea ai ma sui o so o se toatasi po o le sili atu foi o ona paaga aoao po o ua faaliliuina atu i, po o ua umia i le igoa o le kamupani o le a avea po o ua avea o le a umia e le paaga aoao ma, afai e sili atu nai lo le toatasi, ona i ai lea i luga o paaga aoao soofaatasi ma taitoatasi, i luga o se mavaega e avea ai o se meatotino a le kamupani e tusa ai ma tuutuuga o le maliega a le faiga faa paaga.

(5) So o se aitalafu po o noataga ua faatupulaia e se paaga aoao i le tauaveina po o i le faatinoina o le pisinisi a se kamupani o le a avea ma aitalafu po o noataga a lena kamupani.

17. Igoa o le Kamupani-(1) O faiga faa paaga faatapulaaina taitasi uma e tataua ona i ai se igoa o le kamupani o le a aofia ai le upu “Faiga faa Paaga Faatapulaaina” po o mataitusi “L.P” i le faaiuga o le igoa o le kamupani. O le igoa o le kamupani e mafai ona aofia ai le igoa o so o se paaga aoao po o se paaga faatapulaaina po o so o se faapogai o lea igoa.

Ae vagana ai e faapea e leai se faiga faa paaga faatapulaaina o le a i ai se igoa o se kamupani e faapea, e tutusa pe tali tutusa ma le igoa o so o se isi vaega, po o e faamatala sese ai le lagolagoina o se kamupani po o se sootaga ma nisi tagata faapitoa po o se puleaga, po o ona o lo o faamatalaina ai e faapea o le kamupani ua laiseneina pe i totonu o Samoa po o i so o se isi nofoaga e tauave ai so o se ituaiga faapitoa po o se vasega o pisinisi, ae o le tulaga moni e lei laiseneina faapea, pe ona o so o se isi mafuaaga ua lava ma lelei ua fuafuaina e faia ai se tulaga tau faasese.

(2) E mafai e le Resitara ona teena e taliaina le faamauina o se faiga faa paaga faatapulaaina po o le faamauina o se suiga i igoa o se faiga faa paaga faatapulaaina ma teena le tuuina atu o se tusi faamaonia o le faamauina i so o se tulaga ua ia manatu ai o le igoa o le kamupani e pei ona ua fuafuaina o le a i ai se tulaga e faalavelavea ai le faafuaiupu (1) o lena fuaiupu.

18. Ofisa faamauina-(1) O faiga faa paaga faatapulaaina taitasi uma o le a i ai se ofisa faamauina i totonu o Samoa e faapea o le a avea ma ofisa autu o se kamupani tausi mavaega.

(2) O le tuatusi mo le tuuina atu o so o se pepa aloaia i luga o se faiga faa paaga faatapulaaina o le ofisa faamauina lea o lena faiga faa paaga.

(3) O kamupani tausi mavaega e tataua ona faaalua i o latou ofisa autu i se tulaga e faigofie ai ona iloa ma i ni mataitusi e faigofie ona faitauina ia igoa o sea faiga faa paaga faatapulaaina e pei ona avea ai lo latou ofisa autu ma o latou tuatusi.

19. Faaleleia o Tulafono o Faiga faa Paaga i le Tulaga o se Faiga faa Paaga Faatapulaaina-(1) O se paaga faatapulaaina e le tataua ona auai i le puleaga o se faiga faapisinisi faatapulaaina ma o tusi uma, konekarate, feagaiga, pepa faale-tulafono po o so o se pepa aloaia e mafai ona sainiaina e se paaga e toatasi po o le sili atu o ana paaga aoao e avea ai ma sui o le kamupani o lo o aafia ai.

(2) A fai o se paaga faatapulaaina ua auai i le puleaga o se pisinisi a se kamupani i ana pisinisi ma ni tagata o i latou ia e le o ni paaga, o lena paaga faatapulaaina o le a noatia pe afai ua i

ai se tulaga ua le mafai ai e le kamupani ona totogi ana aitalafu, mo aitalafu ma noataga uma a le kamupani na faatupulaia a o faagasolo le vaitaimi na ia auai atu ai i le puleaga o pisinisi a le kamupani, e avea ai e faapea sa avea ai o ia ma paaga aoao ao faagasolo sea vaitaimi, ae vagana ai e faapea o le a noatia o ia mo na o se tagata o ia lea sa faia se pisinisi ma le kamupani i lalo o se talitonuga moni ma le talafeagai e faapea, o sea paaga faatapulaaina o se paaga aoao.

(3) O se paaga faatapulaaina e le o auai i le puleaga o le pisinisi a se kamupani i luga o tuutuuga o lenei fuaiupu i le na o le faia lea o se tasi po o le sili atu foi o gaoioiga e faapea -

- (a) Ona o ia o se fai konekarate mo, po o se sooupu po o se tagata faigaluega a le kamupani po o se paaga aoao, po o galue e avea o se faatonu, tagata ofisa po o le tagata e umia se sea a se paaga aoao ua tuufaatasia faale-tulafono;
- (b) O lo o feutagai ma, ma fautuaina se paaga aoao e tusa ai ma pisinisi a le kamupani;
- (c) O lo o faia ni suesuega, toe iloilo, faamaonia po o le tuuina atu o ni fautuaga e tusa ai ma faamatalaga tau tupe po o mataupu tau pisinisi a le kamupani po o le faatinoina o so o se aia ua faaeeina ia te ia e lenei Tulafono;
- (d) Ua galue e avea ai o se tagata e noatia mo se isi po o se tagata e faamaonia ni aitalafu a le kamupani pe i se tulaga aoao po o e tusa ai ma ni noataga faapitoa;
- (e) E faamaonia po o le le faamaonia o se teuteuga i le maliega i le faiga faa paaga; po o
- (f) E palota e avea ai o se paaga faatapulaaina e tusa ai ma le maliega tau faiga faapaaga i luga o se mataupu se tasi po o le sili atu foi e faapea -
 - (i) le faamaapeina ma le faataapeina o le kamupani;
 - (ii) le faatauina mai, faatau atu, fesuiaiga, lisi, mokesi, ofoina atu, po o i si mea na maua mai po o le faaliliuina atu o so o se meatotino e, po o a le kamupani;

(iii) le faatupulaia po o le toe faafouina o tulaga o lo o nofo aitalafu ai le kamupani;

(iv) o se suiga i le tulaga masani o pisinisi a le kamupani;

(v) le faaulufaleina, aveesea po o le aveese mai o se paaga aoao po o se paaga faatapulaaina ma le faaauauina o pisinisi a le kamupani mulimuli ane ai;

(vi) gaoioiga e faapea o lo o i ai se tasi po o le sili atu foi o paaga aoao o lo o i ai ni feteenaiga moni po o ua fuafuaina ma le kamupani po o ma se toatasi po o le sili atu foi o ni paaga faatapulaaina.

(4) Faafuaiupu (3) o le a le faaulufaleina ai so o se faauigaga e faapea, o le umia po o le faatinoina o so o se pule e se paaga faatapulaaina o le a talafeagai ai le auai ai o sea paaga faatapulaaina i totonu o pisinisi a le kamupani.

(5) I se tulaga o le a faamaapeina ai se kamupani, o ana mataupu o le a faamaapeina e le paaga aoao ae vagana ai e ese ni poloaiga ua faia e le faamasinoga i luga o se talosaga a so o se paaga po o se tagata o lo o nofo aitalafu i le kamupani e tusa ai ma le fuaiupu 28(3) po o vagana ai o le pisinisi a le kamupani ua amataina ma toe faaauau e tusa ai ma le aiaiga o le fuaiupu 28(4).

(6) I le noatia ma le fai fuafua i so o se faaupuga po o faaupuga ua faasinomia i ai le maliega a le faiga faa paaga e ese mai ai i le fuaiupu 28(4) -

(a) O le a le tatau i se kamupani ona faamaapeina po o le faamutaina o lona faaauau pea i luga -

(i) o se suiga i so o se toatasi po o le sili atu o paaga aoao po o ni paaga faatapulaaina;

(ii) le tufatufaina atu atoa po o na o se vaega o aia a le faiga faa paaga a se faiga faa paaga faatapulaaina;

(iii) o le maliu, gau mativa, faamaapeina po o le faamutaina o se paaga faatapulaaina;

(iv) le le malosi lelei o se paaga faatapulaaina;

(v) le tuuina atu e se toatasi po o le sili atu foi o ni paaga faatapulaaina o se mokesi, tupe totogi po o isi lava ituaiga o aia tau i mea e faamau ai ni aitalafu i luga o aia atoa po o se vaega o faiga faa paaga;

(vi) le faatau atu, fesuiaiga, lisi, mokesi, ofoina atu po o isi faaliliuga o so o se aia a paaga aoao;

- (b) So o se eseese e tulai mai e tusa ai ma ni mataupu e fesootai ma le kamupani o le a iloiloaina e le paaga aoao po o, afai e sili atu i le toatasi, e se vaega toatele pe tusa ai ma a latou aia i paaga aoao;
- (c) E mafai e se tagata faatasi ai ma le maliega a le paaga aoao, ma pe afai i luga o se vaevaega, e tusa ai ma le parakalafa (a) o le faafuaiupu (7) o lenei fuaiupu, ona avea o se paaga faatapulaaina e aunoa ma le maliega a paaga faatapulaaina o lo o i ai i le taimi nei;
- (d) O se paaga faatapulaaina o le a le aia i le faamaapeina o le faiga faa paaga i luga o se faasilasilaga;
- (7)(a) E leai se paaga faatapulaaina e mafai, ae vagana ai ua i ai le uluai maliega tusia ia le itiiti ifo i le toatasi se paaga aoao e ono mafai ona taofia i luga o se pule faitalia a lena paaga aoao e ese mai ai i so o se tuutuuga ua faamatalaina po o faasino i ai i totonu o le maliega tau faiga faa paaga e ese mai ai, ua vaevaeina pe i se tulaga mautu po o i luga o se mokesi ana aia atoa po o so o se vaega o ona aia tau faiga faa paaga peitai, i le noatia ma le fai fuafua i sea maliega, o le tagata o lo o vaevaeina o le a, i se tulaga lautele o sea vaevaega, o le a avea o se paaga faatapulaaina faatasi ai ma aia ma e noatia i noataga a le e vaevaeina (ma, e noatia e pei ona faatulaga atu i lalo i se tulaga atoa po o se vaega e sui tulaga ai i, ma i le aofia ai o le e vaevaeina po o le a lava le tulaga e ono i ai) e tusa ai ma le maliega o faiga faa paaga ma lenei Tulafono e tusa ai ma aia o le faiga

faa paaga po o se vaega o ia aia e pei ona vaevaeina ai.

Ae vagana ai e faapea o se tagata ua tuuina atu i ai se vaega o le a le tauaveina se noataga a Le na ia vaevaeina e tulai mai e tusa ai ma le faafuaiupu (2) o lenei fuaiupu po o le fuaiupu 27(2) ma toe aiaia ai e faapea, e ese mai ai i so o se tuutuuga o le maliega o faiga faa paaga po o so o se isi maliega e ese mai ai, o sea vaevaega o le a le faamagaloina ai Le na vaevaeina i so o se noataga na tulai mai e tusa ai i ia faafuaiupu

-

- (b) I le noatia pea i le parakalafa (a) o lenei faafuaiupu, e mafai e se paaga faatapulaaina ona mokesi ana aia atoa i totonu o le faiga faa paaga po o so o se vaega o ia aia, ma o Le ua mokesi atu i ai e tatau ona ia tuuina atu se faasilasilaga tusia i le tuatusi o le ofisa faamauina o le faiga faa paaga faatapulaaina e tusa ai i sea mokesi faatasi ai ma se ata o sea mokesi ma ia sainia e Le na tuuina atu le mokesi ma le tagata o lo o mokesiina ma totogiina se totogi fuapauina, pe afai e i ai, e pei ona o le a ono tuuina atu i totonu o le maliega a le faiga faa paaga. O le paaga aoao o le a ia tausia po o le faatonuina ina ia tausia i le ofisa faamauina i luga o se tusi, se tusi resitala o ni mokesi e faamatala ai le tulaga e iloagofie ai Le o lo o mokesiina ma Le o lo o mokesi i ai, le aso na faia ai le mokesi, le aia tau faiga faa paaga po o se vaega o ia mea ma tulaga e noatia i ai ma le aso na mauaina ai sea faasilasilaga;
- (c) So o se mokesi o aia uma a le faiga faa paaga po o so o se vaega o ia aia e tatau ona ave i ai le tulaga faamuamua e tusa ai ma le aso na tuu atu ai le faasilasilaga tusia i le ofisa faamauina e pei ona faamatalaina i totonu o le parakalafa (b) o lenei faafuaiupu;
- (d) A fai ua le faia e se paaga aoao le tausiga o le tusi resitala e pei ona faamatalaina i totonu o le parakalafa (b) o lenei faafuaiupu, o paaga aoao

taitasi ua le tausisia lenei aiaiga o le a i luga o le faamaonia o sea solitulafono ua ia faatupulaia se faasalaga e lua selau ma le lima sefulu tala mo aso taitasi o le a faaauau ai pea sea le usitaia i le tausia o se tusi resitala.

20. Talosaga mo le faamauina - O se talosaga mo le faamauina o se faiga faa paaga faatapulaaina e tusa ai ma lenei Tulafono e tatau ona faia agai i le Resitara e auala mai i se kamupani tausii mavaega i luga o le pepa faatonuina ma tau aao faatasi mai ai ma le totoi fuapauina e pei ona faatonuina.

21. Faamauina - E leai se faiga faa paaga o le a faamauina e avea o se faiga faa paaga faatapulaaina vagana ai ua mauaina e le Resitara se tusi faamaonia ua maea saunia e se kamupani tausii mavaega ua faamaonia ai e faapea -

- (a) O se tasi o paaga aoao a le -
 - (i) o se kamupani faava-o-malo; po o
 - (ii) se kamupani mai fafo; po o
 - (iii) se kamupani tausii mavaega; ma
- (b) O paaga taitasi e le o se tagata nofomau; ma
- (c) I luga o le faamauina, o le faiga faa paaga faatapulaaina o le a aofia ai le toatasi po o le sili atu o ni paaga aoao ma se toatasi po o le sili atu o ni paaga faatapulaaina.

22. Faamauina o le maliega o faiga faa Paaga - O le kamupani po o so o se paaga i totonu o le kamupani e mafai ona tuuina atu i le Resitara se ata o le maliega tau faiga faa paaga po o so o se teuteuga e faia i ai e tatau ona faamaonia i le faiga e pei ona o le a faatonuina ma o le a faamauina e le Resitara lena ata e avea ai o se ata moni ma ia failaina foi le ata o lena maliega.

23. Tusi faamaonia ina ia sainia e le Paaga aoao-(1) A maea ona faamauina se faiga faa paaga faatapulaaina ma a o le i amataina ana pisinisi ma i se taimi vave lava ina ua maea ona suia auililiga e pei ona manaomia e lenei faafuuiupu, e tatau

loa i se paaga aoao e lena faiga faa paaga faatapulaaina ona faamaeaina se tusi faamaonia e aofia ai auiliiliga ua taua e faapea -

- (a) Le igoa o le kamupani o le a faatino ai pisinisi a le faiga faa paaga faatapulaaina;
- (b) Igoa ma tuatusi o paaga uma, e faailoagofie ai paaga aoao mai i paaga faatapulaaina;
- (c) Le aofai o tupe faavae o le a fai saofaga i ai paaga faatapulaaina taitasi faapea foi ma le aofai, pe afai e i ai, na totoigiina e paaga aoao;
- (d) Le tulaga masani o le pisinisi o le a tauaveina;
- (e) Le nofoaga autu po o se nofoaga se tasi o le a faatino ai le pisinisi;
- (f) Le tuutuuga, pe afai e i ai, lea o le a ulufale i ai le faiga faa paaga faatapulaaina po o, pe afai mo se umi le faatapulaaina, o se faamatalaga e tusa ai i lena tulaga ma le aso o lona amataina.

(2) O se tusi faamaonia ua uma ona sainia e tusa ai ma lenei fuaiupu e mafai ona failaina i le Resitara o ia lea o le a faamauina lea tusi i le tusi resitala.

(3) A fai ua le usitaia manaoga o le faafuuiupu (1) o lenei fuaiupu o paaga aoao taitasi ua le usitaia lenei aiaiga ua faia se solitulafono ma i luga o se faamaoniga o le solitulafono ua tulai mai ai se faasalaga e \$250 mo aso taitasi uma e faaauau ai ona faagasolo sea solitulafono, ma o le a faamaonia so o se tagata o ia lea ua faamanualia i so o se tupe gau.

24. O Paaga e noatia e aveia ma Paaga Aoao mo ni Faamatalaga tau faasese i totonu o tusi faamaonia - A fai ua faia so o se faamatalaga sese i totonu o se tusi faamaonia e pei ona faasinomia i ai le fuaiupu 23, o tagata uma ua aia i le faiga faa paaga faatapulaaina o le a noatia e aveia ma paaga aoao.

Ae vagana ai e faapea, e leai ni mea sese faa ofisa tusitusi po o ni mataupu e le taua tele o le a aveia e faapea e sese i totonu o le faauigaina o lenei fuaiupu, vagana ua aafia ai nisi tagata i ia tulaga, o le a tataua loa i paaga faatapulaaina ona noatia i le tagata ua matua mafatia ona o ia tulaga.

25. Aia i se Faamatalaga tau Tupe - I le noatia ma le fai fuafua i so o se faamatalaga po o se tuutuuga ua faamatalaina i le maliega tau faiga faa paaga e ese mai ai, e mafai e paaga faatapulaaina taitasi ona poloaia ma o le a mauaina mai se paaga aoao se faamatalaga moni ma le atoatoa e tusa ai ma le tulaga o le pisinisi ma tuutuuga tau tupe a le kamupani.

26. Tualumaga-(1) I le noatia ma le fai fuafua i le faafuaiupu (2), o ni tualumaga faale-tulafono e faia e, pe faasaga i so o se kamupani e ono mafai ona amataina e, pe faasaga i so o se toatasi po o le sili atu foi o na o paaga aoao ma e leai se paaga faatapulaaina o le a avea ma vaega i, po o le faaigoaina i ia tualumaga, ae vagana i e ese se tulaga e faapea, afai ua manatu le faamasinoga ua tonu ma talafeagai, o se paaga aoao po o so o se tagata o le a i ai le aia e ofi atu ai po o i se isi tulaga e ese mai ai, ona amataina ni tualumaga faasaga i se toatasi po o le sili atu foi o paaga faatapulaaina o i latou ia e ono noatia e tusa ai ma le fuaiupu 19(2), po o le faamalositoe le toe faafoi mai o so o se saofaga e toe totogiina e tusa ai ma le fuaiupu 27(2).

(2) E mafai e se paaga faatapulaaina ona faia se gaioiga e avea ai ma sui o le kamupani pe afai o se toatasi po o le sili atu foi o ni paaga aoao, i le i ai lea o le pule e faia ai, o le a ia faia e aunoa ma se mafuaaga lava ma lelei e teena ai le amataina o ia tualumaga.

27. Toe faafoiina o le saofaga-(1) O le a le tataui se paaga faatapulaaina, i luga o se faamaapeina po o se isi tulaga e ese mai ai, ona mauaina mai i tupe faavae a le kamupani se tupe totogi e avea o se tupe maua mai i so o se vaega o lana saofaga i le faiga faa paaga faatapulaaina, vagana ai i le taimi e faia ai sea tupe totogi o lo o mafai e le kamupani ona totogiina ana aitalafu.

(2) E aunoa ma le faamanuaina o manaoga o le faafuaiupu (1), so o se vaega tupe e mauaina e se paaga faatapulaaina e avea o se tupe maua o so o se vaega o lana saofaga i le tupe faavae a le kamupani o le a, i le tulaga o le a le mafai ai e le kamupani ona totogiina ana aitalafu i so o se taimi i totonu o le

isi vaitaimi e ono masina e sosoo ai, ona toe totogiina atu e sea paaga faatapulaaina faatasi ai se tului mama i le fua faatatau e 5 pasene i le tausaga i le tulaga e faapea o se saofaga po o se vaega o le saofaga ua talafeagai mo le totogiina o se aitalafu po o se noataga na faatupulaia e le kamupani ao faagasolo le vaitaimi e faapea na aafia ai se meatotino a le kamupani.

(3) I totonu o lenei fuaiupu o le faaupuga “maua mai” e aofia ai le faamatuuina o so o se noataga e avea ai os e vaega o saofaga i tupe faavae ma, i lena faauigana, o noataga e faia ai tupe toe totogiina atu e tusa ai ma le faafuuiupu (2) o lenei fuaiupu e aofia ai gaoioiga ua atofaina o so o sea noataga.

28. Faamaapeina-(1) I le tulaga i le faamaapeina o se faiga faa paaga faatapulaaina, o mataupu a le kamupani o le a faataapeina e ni paaga aoao ae vagana ai e faapea, o pisinisi a le kamupani ua talitonuina ma ua toe faaauau e tusa ai ma le aiaiga o le faafuuiupu (4).

(2) O le a le tatau ona faamutaina se kamupani i luga o se gaoioiga o ni paaga seia vagana ua failaina se faasilasilaga o le faamaapeina i luga o le pepa faatonuina ma ua uma ona sainia e se paaga aoao ma tau aoina atu i le Resitara.

(3) I luga o se talosaga a se paaga po o se tagata o lo o nofo aitalafu ai le kamupani, e mafai e le Faamasinoga i luga o se poloaiga ona faamaape so o se faiga faa paaga faatapulaaina ma e mafai ona faia ni poloaiga ma tuuina atu ni faatonuga mo le faamutaina o ana mataupu e pei ona o le a tonu ma talafeagai ai.

(4) E ese mai ai i le faafuuiupu (2) ma e ese mai ai i so o se faamatalaga po o se tuutuuga ua faamatalaina i totonu o le maliega tau faiga faa paaga e ese mai ai i le maliu, le atoatoa le mafaufau, faamalolo litaea, gau mativa, amataina o taualumaga e faamaape ai le kamupani, faamavaega, ua le mafai ona totogi aitalafu po o le faamaapeina o le kamupani atoa po o paaga aoao o lo o totoe, e tatau ona faatonuina le faamaapeina vave o le faiga faa paaga faatapulaaina, ma o le a faamaapeina loa e tusa ai ma aiaiga o le maliega tau faiga faa paaga po o ni poloaiga e pei ona o le a faia e le Faamasinoga e tusa ai ma le faafuuiupu (3):

Ae vagana ai e faapea, a fai i totonu o le 90 aso mai se aso o le a faamaapeina ai, o paaga faatapulaaina ua latou malilie autasi e filifilia se toatasi po o le sili atu foi o ni paaga aoao fou ma a fai i le aso o sea faiga palota ua toe mafai e le kamupani ona totogiina ana aitalafu, o aiaiga o lenei faafuaiupu o le a le faagaoioia e manaomia ai le kamupani ina ia faamutaina ma e mafai e le faiga faa paaga faatapulaaina ona toe faagaoioia ma faaaauau e pei ona o le a aiaia i totonu o le maliega tau faiga faa paaga po o i totonu o so o se isi maliega tau faiga faa paaga fou.

29. Gaoioiga e faia e ni Paaga o Faiga faa Paaga Faatapulaaina - I le noatia ma le fai fuafua i so o se faamatalaga po o ni tuutuuga ua faamatalaina i totonu o le maliega tau faiga faa paaga e ese mai ai ma e tusa ai ma tiute ua faaeeina atu i luga o se paaga aoao e le fuaiupu 16(2) , e mafai e se paaga ona faaune atu ni tupe i, nonoina mai ma faagaoioia so o se isi pisinisi i lona tulaga tau le tagata lava ia ma, (o le a tulai mai ai ni meatotino, aitalafu po o ni noataga a le kamupani) o le kamupani ma faatasi ai po o le leai foi o ni aia po o ni meatotino tau puipuiga malu e pei ona o le a fuafuaina e paaga aoao, ma o le a i ai ni aia tutusa ma ni noataga e tusa ai ma ia tulaga e avea ai o se tagata o ia lea e le o se paaga, ae vagana ai e faapea o noataga a le kamupani e toe totogi ai aitalafu i se paaga aoao o le a i taimi uma ona avea e lagolago ai i ni tagi a ni tagata o lo o nofo aitalafu ai le kamupani i se tulaga malu puipua po o le leai foi, o le kamupani

VAEGA IV

FAAMAUINA O FAIGA FAA PAAGA FAAVA-O-MALO MA FAIGA FAA PAAGA FAATAPULAAINA

30. E na o Faiga faa Paaga Faava-o-malo ma Faiga faa Paaga Faatapulaaina ua faamauina e Aia i Faamanuiaga - E leai se faiga faa paaga faava-o-malo po o se faiga faa paaga faatapulaaina o le a agavaa i tulaga aloaia ma ni tuusaunoaga i lalo o le Vaega V, ae vagana ai o le faiga faa paaga faava-o-malo po o le faiga faa paaga faatapulaaina ua uma ona

faamauina e tusa ai ma lenei Tulafono, ma o toe faafouga uma, faasalaga ma isi totogi fuapauina ua maea ona totogiina i le Resitara.

31. Faamauina-(1) A fai ua taliaina e le Resitara se talosaga mo le faamauina o se faiga faa paaga faava-o-malo po o se faiga faa paaga faatapulaaina, ua faia e tusa ai ma le fuaiupu 9 po o le fuaiupu 20, o le a faauluina loa e le Resitara i totonu o le tusi resitala o faiga faa paaga faava-o-malo po o faiga faa paaga faatapulaaina, le igoa o le faiga faa paaga faava-o-malo po o le faiga faa paaga faatapulaaina, le tuatusi o lona ofisa autu ma le aso na faamauina ai, e faapea o le aso na avea ai le faiga faa paaga faava-o-malo po o le faiga faa paaga faatapulaaina na faamauina ai.

(2) Ina ua maea ona faamauina o se faiga faa paaga faava-o-malo po o se faiga faa paaga faatapulaaina, o le a tatau loa ona tuuina atu e le Resitara se tusi faamaonia o le faamauina i luga o se pepa ua faatonuina ma o le a tatau ona tuuina atu sea tusi faamaonia i le kamupani tausī mavaega o lo o avea ma sui o le faiga faa paaga faava-o-malo po o le faiga faa paaga faatapulaaina.

(3) O se tusi faamaonia o le faamauina i lalo o le lima ma le faamau faailoga o le Resitara o le a avea ma molimau maumaututu e faapea ai o manaoga uma o lenei Tulafono e tusa ai i se faamauga ma isi mataupu na uluai faia ma aliai mai e tusa ai i ia tulaga, ua uma ona usitaia ma e faapea o le faiga faa paaga faatapulaaina e pei ona faasinomia i ai iinei ua uma ona faamauina e tusa ai ma lenei Tulafono.

32. Mea e Faasaina e le Minisita-(1) O le a i ai i le Minisita le aia atoatoa e tusa ai ma ana gaoioiga po o nisi tulaga e ese mai ai ma e aunoa ma le uia o so o se mafuaga e faia ai se poloaiga -

- (a) E faasa ai le faamauina o so o se faiga faa paaga faava-o-malo po o se faiga faa paaga faatapulaaina;
- (b) Faatonuina so o se faiga faapaaga faava-o-malo po o se faiga faa paaga faatapulaaina ina ia faamuta le

tauaveina o ana pisinisi po o se vaega o ana pisinisi i se taimi vave lava po o i totonu o se taimi e pei ona o le a faamaotiina i totonu o lena poloaiga.

(2) O se poloaiga ua faia i lalo o lenei fuaiupu e mafai ona soloia pe fetuutuunai e le Minisita.

(3) I le faia o se poloaiga i lalo o lenei fuaiupu, o le a le tatau i le Minisita ona manaomia e galue faa faamasinoga. O se poloaiga ua faia e tusa ai ma le faafuaiupu (1) o le a mausali, ae vagana ai ua soloia pe fetuutuunai e tusa ai ma le faafuaiupu (2).

33. Totogi Fuapauina o toe faafouga faale-tausaga-(1)

O faiga faa paaga faava-o-malo po o faiga faa paaga faatapulaaina taitasi uma ua faamauina e tusa ai ma le fuaiupu 31 o lenei Tulafono, o le a noatia e totogiina atu i le Resitara i le aso 30 o Iuni i tausaga taitasi, e sosoo ai ma le tausaga o lona faamauina, se totogi faale-tausaga o lona toe faafouina e pei ona o le a faatonuina.

(2) Faafuaiupu (1) o lenei fuaiupu e le tatau ona faaogaina i faiga faa paaga faava-o-malo po o i faiga faa paaga faataupulaaina mo vaitaimi uumi ua faamauina e tusa ai ma le fuaiupu 34 a o faagasolo le vaitaimi o lona faamauina mo vaitaimi uumi.

34. Faiga faa Paaga Faava-o-malo ma Faiga faa Paaga Faatapulaaina mo vaitaimi uumi-(1)

O se faiga faa paaga faava-o-malo po o se faiga faa paaga faatapulaaina e mafai ona filifilia e avea o se faiga faa paaga faava-o-malo po o se faiga faa paaga mo ni vaitaimi uumi i le totogiina lea i le Resitara o ni totogi fuapauina mo le faamauina mo ni vaitaimi uumi faapea foi ma totogi fuapauina mo toe faafouga e pei ona o le a faatonuina.

(2) O se faiga faa paaga faava-o-malo po o se faiga faa paaga faatapulaaina ua faamauina e tusa ai ma le fuaiupu 31 o lenei Tulafono e mafai ona filifilia e avea o se faiga faa paaga faava-o-malo po o se faiga faa paaga faatapulaaina mo ni vaitaimi uumi i le totogiina o ni totogi fuapauina o toe faafouga

mo ni vaitaimi uumi e pei ona o le a faatonuina.

(3) O se faiga faa paaga faava-o-malo mo vaitaimi uumi po o se faiga faa paaga faatapulaaina mo vaitaimi uumi e mafai i luga o le faamutaina o so o se vaitaimi o faamauga mo vaitaimi uumi ona filifili e faaauau lona faamauina i luga o se faiga mo tausaga taitasi e tusa ai ma le fuaiupu 31.

(4) A fai i le aso ina ua tuanai le aso na faamuta ai le vaitaimi o lona faamauina mo vaitaimi uumi, ua le mafai ai e se faiga faa paaga faava-o-malo po o se faiga faa paaga faatapulaaina, ona totogiina pe o se totogi fuapauina mo le toe faafoiina o ona vaitaimi uumi po o totogi fuapauina o le toe faafouina faale-tausaga, o le a noatia o ia e totogiina i luga o se faasalaga ni totogi fuapauina faaopoopo po o ni totogi fuapauina e pei ona o le a faatonuina po o le a noatia i le soloia o lona faamauina e tusa ai ma le fuaiupu 35.

35. E mafai ona soloia se faamauina e aunoa ma se Talosaga-(1) O le faamauina o se faiga faa paaga faava-o-malo po o se faiga faa paaga faatapulaaina e mafai ona soloia e le Resitara pe a fai -

- (a) O le faiga faa paaga faava-o-malo po o se faiga faa paaga faatapulaaina ua le mafai ona totogiina ana totogi fuapauina mo toe faafouga faale-tausaga e pei ona faatonuina, totogi fuapauina o toe faafouga o vaitaimi uumi, po o totogi fuapauina o faasalaga;
- (b) So o se paaga o se faiga faa paaga faava-o-malo po o faiga faa paaga faatapulaaina e faapea o se kamupani tausī mavaega, kamupani faava-o-malo po o se kamupani mai fafo ua faamutaina e ave a se kamupani faamauina i totonu o Samoa;
- (c) O le faiga faa paaga faava-o-malo po o faiga faa paaga faatapulaaina ua le taasisia le tausia o se ofisa faamauina i totonu o Samoa e pei ona manaomia e le fuaiupu 12 po o le fuaiupu 18;
- (d) O le faiga faa paaga faava-o-malo po o faiga faa paaga faatapulaaina ua faalavelavea le

faafuaiupu (2) o le fuaiupu 5 o lenei Tulafono.

(2) Pe a fai ua faamoemoe le Resitara e soloia le faamauina o se faiga faa paaga faava-o-malo po o se faiga faa paaga faatapulaaina e tusa ai ma lenei fuaiupu, o le a tatau ona ia tuuina atu se faasilasilaga e tusa ai ma lona faamoemoe i le ofisa faamauina o le faiga faa paaga faava-o-malo po o se faiga faa paaga faatapulaaina ua taua ma tuu atu ai se avanoa talafeagai e faaalua ai le mafuaga e le tatau ai ona soloia le faamauina o se faiga faa paaga faava-o-malo po o se faiga faa paaga faatapulaaina.

(3) E mafai e le Minisita i luga o se talosaga a le Resitara ona faia se poloaiga e faatonuina ai se faiga faa paaga faava-o-malo po o se faiga faa paaga faatapulaaina e faamuta le tausia o lona ofisa faamauina i totonu o Samoa ma e tusa ai i lea tulaga, o le faamauina o le faiga faa paaga faava-o-malo po o se faiga faa paaga faatapulaaina o le a soloia e amata faamamaluina mai le sefulu ma le fa aso ina ua tuana'i le aso o sea poloaiga po o se aso e mulimuli mai ai e pei ona o le a faamaotiina i totonu o le poloaiga.

(4) I se tulaga ua soloia ai le faamauina i lalo o le faafuaiupu (1) po o le (3) o lenei fuaiupu, o le faiga faa paaga faava-o-malo po o se faiga faa paaga faatapulaaina o le a faamutaina ona agavaa i tulaga aloaia ma tuusaunoaga i lalo o le Vaega V; ma o le Resitara o le a tatau ona ia faia se faamatalaga i totonu o le tusi resitala e faamau ai e faapea, o le faamauina o le faiga faa paaga faatapulaaina ua uma ona soloia.

(5) O le a le manaomia le Minisita e tuuina atu ni mafuaga mo le faia o se poloaiga i lalo o le faafuaiupu (3) ma i le faia o sea poloaiga, o le a le tatau i le Minisita ona manaomia e galue faa faamasinoga. O se poloaiga ua faia e tusa ai ma le faafuaiupu (3) o le a mausali.

VAEGA V

FAAMANUIAGA MA TUUSAUNOAGA FAASINO I FAIGA FAA PAAGA FAAVA-O-MALO MA FAIGA FAA PAAGA FAATAPULAAINA

36. Tuusaunoaga mai Lafoga, Tiute ma Tupe Maua-(1)

E ese mai ai i so o se mea o lo o aofia i totonu o so o se isi tulafono o lo o faamamaluina -

- (a) E leai se lafoga o tupe maua, tiute o faailoga tusi, po o so o se isi lafoga tuusao pe faaalatua po o ni lafoga o le a faia i totonu o Samoa i luga o ni faiga faa-pisinisi, konekarate, oloa tau puipuiga malu o aitalafu po o nisi gaoioiga po o i luga o tupe maua, tupe mama po o ni tupe faasili a se faiga faa paaga faava-o-malo po o se faiga faa paaga faatapulaaina e aofia ai tupe tului, tufatufaga po o nisi tupe maua mai so o se pisinisi e faia e se Paaga faava-o-malo po o faiga faa paaga faatapulaaina;
 - (b) E leai se lafoga o tupe maua, tiute o faailoga tusi, po o so o se isi lafoga tuusao po o le faaalatua po o o le a faaeina atu i luga o ni lafoga i totonu o Samoa i so o se faasoasoaga o tupe maua, tupe faasili, tupe mama, tufatufaga .po o tupe faavae e maua e so o se paaga, paaga aoao po o se paaga faatapulaaina o se faiga faa paaga faava-o-malo po o se faiga faa paaga faatapulaaina (e ese ai nai lo tupe maua, tupe mama, tupe faasili, tufatufaga po o tupe faavae ua totogiina i se kamupani tausii mavaega i luga o ona lava aia e faapea e faa lafogaina i totonu o Samoa).
- (2) E ese mai ai i so o se mea o lo o aofia i totonu o so o se tulafono o lo o faamamaluina e ese mai ai i lenei Tulafono, o le Tulafono o Teugatupe i Atunuu i Fafu 1987 ma le Tulafono o Kamupani Faava-o-malo 1987, o se faiga faa paaga faava-o-malo po o se faiga faa paaga faatapulaaina o le a le manaomia e -
- (a) Teuina o so o se tupe i totonu o so o se teugatupe a le malo;
 - (b) Failaina so o se faamatalaga tau tupe, lipoti po o ni faamaumauga; ma
 - (c) Faamauina ma po o ina ia laiseneina e so o se pulega.

37. Pisinisi tau Faletupe - O pisinisi tau faletupe uma ua tauaveina i totonu o Samoa i lalo po o sootaga ma se faiga faa paaga faava-o-malo po o se faiga faa paaga faatapulaaina i totonu o Samoa o le a tauaveina pe e faa auala mai i se kamupani tausi mavaega po o e se faletupe mo teugatupe i fafo ua laiseneina i lalo o le Tulafono o Teugatupe i Atunuu i Fafo 1987 po o se faletupe ua faamaonia mo lena faamoemoe e le Resitara ma o le a tuusaunoa mai i lafoga, tiute o faailoga tusi, tupe ma isi pulega tau fesuaiga o tupe e pei ona aiaia i totonu o lena Tulafono.

38. Tuusaunoaga mai tupe ma le pulea o fesuaiga o tupe-(1) E leai se tagata o le a tagofia o so o se pisinisi i lalo o, po o i sootaga ma se faiga faa paaga faava-o-malo po o se faiga faa paaga faatapulaaina, i tupe a Samoa, po o i, mo le, po o e tusa ai i so o se tagata e ese mai ai nai lo se tagata e le se tagata nofomau i Samoa.

(2) So o se pisinisi ua faia i lalo o, po o i sootaga ma se faiga faa paaga faava-o-malo po o se faiga faa paaga faatapulaaina i le usitaia o tapulaa i totonu o le faafuaiupu (1) o le a tuusaunoa mai i so o se tupe ma tapulaa o pulega tau fesuaiga o tupe po o ni tulafono faatonutonu; ma e leai lafoga i luga o fesuaiga o tupe mai fafo o le a faaeeina atu po o o le a totogiina atu e tusa ai ma sea pisinisi.

(3) O tagata uma taitasi o ia lea ua faalavelavea le faafuaiupu (1) o lena fuaiupu, ua faia se solitulafono ma ua noatia i luga o se faamaoniga o se solitulafono i se faasalaga e le sili atu i le \$10,000 ma afai, o le solitulafono o se solitulafono e faaauau pea, i se isi faasalaga e le sili atu i le \$500 mo aso taitasi uma o le a faaauau ai pea lea solitulafono.

39. Tulaga Faalilolilo-(1) Ae vagana ai e faapea o aiaiga o lena Tulafono e manaomia ma i le noatia ma le fai fuafua i le faafuaiupu (2) o lena fuaiupu, o le a avea o se solitulafono mo se tagata e faailoa atu po o le faafesootai atu i so o se isi tagata ni faamatalaga faasino i se faavaeina, faatuina, galuega tau pisinisi po o ni mataupu a se faiga faa paaga faava-o-malo po o

se faiga faa paaga faatapulaaina.

(2) O tualumaga faa faamasinoga uma, e ese mai ai ni tualumaga tau solitulafono faasino i se faiga faa paaga faava-o-malo po o se faiga faa paaga faatapulaaina o le a, ae vagana ai ua faatonuina i se isi tulaga e ese mai ai, ona fofogaina i lalo o tulaga faalilolilo ma e leai ni auiliiliga o ni tualumaga o le a faasalalauina e so o se tagata e aunoa ma se faatagana a le Faamasinoga po o se tagata o lo o nofoia le Nofoa o le Faamasino i se faamasinoga.

(3) E ese mai ai i aiaiga o le faafuaiupu (1) o lenei fuaiupu, o le a le avea o se solitulafono i lalo o lenei fuaiupu pe afai o sea faa-matalaga po o se fesootaiga ua faailoaina atu i se tulaga talafeagai e pei ona manaomia i le tulaga e pei ona o le a i ai -

- (a) E se tagata ofisa o se kamupani tausī mavaega po o e se paaga o le kamupani i le Resitara mo le faamoemoe e usitaia ai aiaiga o lenei Tulafono;
- (b) E se tagata ofisa o se kamupani tausī mavaega i se faatonu o lena kamupani tausī mavaega, po o e se faatonu o se kamupani tausī mavaega i le Minisita po o le Resitara i le tulaga ua ia talitonu ai e aupito i sili ona lelei mo Samoa i le faatumauina lea o le tulaga mamalu o le puleaga faa-faamasinoga e avea ai o se nofoaga mo teuga tupe i fafo po o i le faamautinoaina o le usitaia o lenei Tulafono;
- (c) E se paaga o le kamupani i so o se tagata mo le faamoemoe e tauaveina ai le pisinisi a le kamupani, ae vagana ai e faapea o le faaupuga “tauaveina le pisinisi a le kamupani” e le aofia ai le usitaia o so o se poloaiga po o se talosaga mo faamatalaga e so o se malo mai fafo po o so o se Faamasinoga po o se faamasinoga faale-tulafono a so o se atunuu e ese ai nai lo Samoa pe afai o le faailoaina atu o le faamatalaga o le a, po o e ono taunuu atu ai i le tofogiina o so o se lafoga, i si faasalaga po o so o se i si faasalaga a le kamupani;
- (d) E se paaga a le kamupani i so o se malo mai fafo po

o so o se Faamasinoga po o se faamasinoga faale-tulafono o so o se atunuu e ese ai nai lo Samoa peitai, pe afai e na o le, ma i le tulaga e faapea ai, o le Faamasinoga i totonu o Samoa ua faatonuina e faapea, ua faamalieina o ia e faapea o le faamatalaga e manaomia ma o le a faaaogaina i na o faamoemoega o se suesuega po o se moliaga o so o se tagata faasino i le faatauina atu po o le faafaigaluegaina o tupe na maua mai i faatauga o so o se oloa tau vilavilaa faasaina, e tusa lava pe o lena faatauga po o le faafaigaluegaina o ia tupe na faia i totonu o Samoa po o i so o se isi nofoaga;

- (e) E so o se tagata i se tagata e faamaapeina o le kamupani;
- (f) E se paaga o le kamupani i so o se isi tagata pe afai o paaga uma o lena kamupani po o paaga aoao uma o faiga faa paaga faatapulaaina ua malilie i lena faailoaina atu o ni faamatalaga.

Ae vagana ai e faapea, e mafai e le Minisita i luga o lana pule faitalia ona faasaina so o se faailoaina atu o so o se faamatalaga ua faatagaina e lena fuaiupu.

(4) O tagata taitasi uma o i latou ia ua faia se solitulafono i lalo o lena fuaiupu o le a noatia i luga o le faamaonia o le solitulafono i le nofo falepuipui mo se vaitaimi e le sili atu i le 5 tausaga, po o i se faasalaga e le sili atu i le \$50,000 po o i nei faasalaga uma e lua.

VAEGA VI MEA ESEESE

40. Pule e Tuusaunoa ai-(1) E mafai e le Minisita i luga o ana lava gaoioiga po o e tusa ai i se talosaga tusitusia ua tuuina atu i le Resitara e se faiga faa paaga faava-o-malo po o se faiga faa paaga faatapulaaina po o se faiga faa paaga, e faapea, a fai ua faamauina o le a avea ai o se faiga faa paaga faava-o-

malo po o se faiga faa paaga faatapulaaina ua tuusaunoa, e faapea o le faiga faa paaga faava-o-malo po o se faiga faa paaga faatapulaaina po o se faiga faa Paaga; mai i mea uma po o so o se aiaiga o lenei Tulafono ma so o se Tulafono Faatonutonu ua faia i lalo o ia Tulafono ma e mafai ona faaeeina atu ia tuutuuga ma aiaiga e pei ona ua ia manatu ua talafeagai e avea ai o se tuutuuga na mafua ai ona tuuina atu lena tuusaunoaga. O se tuusaunoaga e pei ona ua tuuina atu e mafai ona soloia pe fetuutuunai e le Minisita i so o se taimi.

(2) I le tagofia o se talosaga i lalo o lenei fuaiupu, o le a le tatau i le Minisita ona manaomia e galue e pei o se faamasinoga ma o lana faaiuga o le a, e tusa ai ma mataupu uma e mausali.

(3) So o se tuusaunoaga po o se tuutuuga ua faaeeina atu e tusa ai ma le faafuaiupu (1) o lenei fuaiupu o le a amata faamamaluina mai le aso o le a fuafuaina e le Minisita i luga o lana pule faitalia.

41. Gagana Peretania o le tusi moni ma le atoatoa-(1)

O pepa aloaia taitasi uma na failaina i le Resitara, ma faamau-mauga uma ma faamatalaga tau tupe na manaomia ina ia tausia i lalo o lenei Tulafono o le a faia i le gagana Peretania.

(2) A fai o se pepa aloaia e le o faia i le gagana Peretania o le a tatau ona tuuina mai faatasi ma se faaliliuga faa Peretania ua faamaonia; ma i le tulaga e tusa ai i so o se feeseeseaiga i le faauigaina i le va o gagana a atunuu i fafo ma le faa-Peretania, o le faaliliuga faa-Peretania o le a faatauaaina.

(3) Mo le faamoemoe o lenei fuaiupu, o se “faaliliuga faamaonia” o lona uiga o se faaliliuga i le gagana Peretania, ua faamaonia e le gagana Peretania e avea ai o se faaliliuga sao, e se faaliliu upu i luma -

- (a) O se sui o se malo po o se ofisa konesula o so o se atunuu;
- (b) O se tagata tulaga iloga o se malo, faamasino mo tulaga taule Filemu po o se tagata tali tutusa o so o se atunuu; po o ;
- (c) So o se loia i totonu o Samoa po o se tagata tali tutusa o so o se atunuu; po o
- (d) So o se isi tagata e mafai ona faatautoina faale-

tulafono e tusa ai ma tulafono o faamatalaga tauto a Samoa mo le faaaogaina i so o se Faamasinoga i totonu o Samoa.

42. Faasalaga Aoa mo Solitulafono - O tagata taitasi uma ua faia se solitulafono faasaga i lenei Tulafono ma so o se tulafono faatonutonu ua tuuina atu i lalo o lenei Tulafono e leai se faasalaga o lo o aiaia ai e ese mai nai lo lenei fuaiupu ua noatia i luga o se faamaoniga o se solitulafono i le nofosala i le falepuipui mo se vaitaimi e le sili atu i le tasi (1) le tausaga po o i se faasalaga e le sili atu i le \$10,000 po o i ia faasalaga uma e lua, ma, a fai o le solitulafono o se solitulafono e faaaauau pea, i se isi faasalaga e le sili atu i le \$500 mo aso uma taitasi o le a faaaauau ai pea lana solitulafono.

43. Tulafono Faatonutonu - E mafai e le Ao o le Malo, e faia i luga o le fautuaga a le Kapeneta mai i lea taimi i lea taimi ona faia ni Tulafono Faatonutonu e faatonuina ai mataupu uma ma tulaga manaomia po o ua faatagaina e lenei Tulafono ina ia faatonuina po o le aiaia, po o e talafeagai po o e faigofie ona faatonuina po o le aiaia, mo le tauaveina o, po o le tuuina i ai o le malosi atoatoa i aiaiga o lenei Tulafono ma ona pulega fuafuaina uma e aofia ai tulaga uma po o so o se faamoemoe faapitoa e faapea -

- (a) E faatonuina ai pepa o le a faaaogaina mo faamoemoe o lenei Tulafono ma mataupu o le a faamaotiina i totonu o ia pepa;
- (b) E faatonuina ai pepa o talosaga ma isi faasilasilaga e tusa ai ma lenei Tulafono;
- (c) E faatulagaina ai totogi fuapauina ma ni tupe totogi e ao ona totogiina i lalo o lenei Tulafono ma faasalaga mo le solia o tuutuuga i lalo o ia aiaiga, po o le tuuina atu o pule e faatulagaina ai ia totogi fuapauina, tupe totogi ma faasalaga i ni tagata po o ni faalapotopotoga ua faatonuina.

44. Taualumaga pe a fai e leai se aiaiga ua faataatia mai - I le tulaga e faapea so o se gaoioiga po o se laasaga e

manaomia pe ua faatagaina ia faia i lalo o lenei Tulafono, ma e leai se pepa ua faatonuina po o se taualumaga ua faataatia mai i totonu o lenei Tulafono po o ni Tulafono Faatonutonu mo le faia o ia mea, e mafai ona faia se talosaga agai i le Resitara mo ni faatonuga e tusa ai ma le faiga e ao ona faatino ai ia mea, ma o so o se gaoioiga po o se laasaga ua faia pe ua tauaveina e tusa ai ma ana faatonuga o le a avea ma gaoioiga aloaia e tusa ai ma ia gaoioiga po o laasaga.

45. Faamagaloga - E leai se gaoioiga o le a faia faasaga i le malo po o so o se faalapotopotoga faale-tulafono po o se puleaga a Samoa, le Minisita, le Resitara po o so o se tagata ua galue e tusa ai i so o se pule ua faaeeina i ai e le Minisita po o le Resitara, po o le a lava le tulaga o le a i ai, e tusa ai i so o se gaoioiga po o se mataupu na faia po o ua le faia i luga o le agaga lelei i le faatinoina po o le faamoemoe e faatino ai a latou matafaioi taitasi e pei ona faaeeina i ai e, po o i lalo o lenei Tulafono po o so o se tulafono faatonutonu ua faia i lalo o lenei Tulafono.
